

1. Deilnaame kènjer-optoch en intoch:

- De kènjer-optoch is veur de kènjer, die sjpontaan kènne deilnumme aan hunne optoch zònger dat zie zich daoveur houve op te gaeve: deilnaame van volwassene is allein bedoeld es begeijing van de kènjer. Meziekgezèlsjappe deine zich waal op te gaeve bie de optochsaamesjtèller.
- Døn intoch van de Marotteprins zal òmlies waere door de Marotte, de Prinsegarde en de Auw Prinse: zie zulle aansjloete aan d'ènj van de kènjer-optoch op aanwiezing van Optoch Kommittee en Klup Wo Van.
- ± Is neit toegesjtange dat zoowaal bie døn intoch es in døn optoch anger prinse deilnumme: jeugprinse zeen in prinsip waal wilkòm, es zie voldoon aan de veurwaarde van laeftied, dae neit hooger maag zeen dan de kènjer van de baasissjool.
- Oetsjmiete van sjlòk, appelsiene en anger zaakes is zowaal in de kènjer-optoch es bie døn intoch verbao: ouch ein konfettiekenon is neit toegesjtange.
- Waat de mechaniese meziek betref wilt Optoch Kommittee Zitterd uch in d' belang van angere deilnummesj es ouch de luu langs de kantj oetdrökkelik d'op wieze dat d' voluum van de meziekinstallaasies gerespekteerd deint te waere.
- Optoch Kommittee Zitterd sjrif veur dat de meziek (bie veurkeur) Zittesj deint te zeen. Hollesje %vastelaovesmeziek+is neit gewunsj. Dit òm ein biedraage te levere òm ooze eige Zittesje vastelaovesmeziek in eere te hauwte.

2. Waages in de Kènjer-optoch en Intoeh:

- Gemoterizeerde vastelaoveswaages, traktesj, golfkarre, mootesj en alle angere zichzelf veurtbewaegende waages zeen in prinsip neit toegesjtange: oetzunjeringe hiejop allein muigelik mit toesjtòmming veuraaf van Optoch Kommittee Zitterd. Daobie deint opgemirk te waere dat in geval van toesjtòmming van het OKZ, wettelik geljige pepiere verplich zeen! In alle gevalle deint geer kòntak op te numme mit den heer Roger Vroomen (06- 22504085).
- Luukswaages zeen allein toegesjtange es dees ter òngersjteuning zeen van groote gròppe en ouch allein veurzeen van te euverlèGGE wettelik geljige pepiere en mit toesjtòmming veuraaf van Optoch Kommittee Zitterd. Ouch hievoor gildj: gaer kòntak opnumme mit den heer Roger Vroomen.
- Attribuute wie getrokke waegeskes, gedraage braer en dat soort zaakes, maage neit breijer zeen dan 2 maeter.

3. Opsjtèlling van d'n optoch:

- De opsjtèlling veur de Kènjer-optoch is op de parkeierplaatsj van de Sjteivig (Steenweg).
- **Alle kènjer - groote gròppe, klein gròppe en einzelgèngesj – deine zich te melje bie e lid van Klup Wo Van en kriege dao wiejer instruksies.**
- De parkeierplaatsj is toegankelijk vanaaf 12.33 oer en jeederein wurd verzuik uuterlik òm 13.11 op zien plaatsj te zeen. Toegank tot de opsjèlplaatsj estebleif via de Wilhelminasjtraot (t.o. Schouwburg). Dus neit euver de Sjteivig aankómme, want de Sjteivig is óngerdeel van de roete.

4. Reklaam in d'n optoch:

- Reklaam make is allein muigelik véur d'n optoch taege ein verguijing en me mòt zich daoveur veuraaf opgave bie Optoch Kommittee Zitterd. In dat geval gaer kòntak opnumme mit d'n heer René Meuwissen 06-10920117.
- Reklaam make in de kènjer-optoch zelf . en ouch bie d'n intoch - is verbao.

5. Vertrèk van d'n optoch:

- D'n optoch zal pròmpt òm 13.33 oer vetrèkke: zowaal de kènjer es de meziekgezèlsjappe zulle in d'n optoch waere ingevoug door de reegelaesj van Klup Wo-Van en Optoch Kommittee Zitterd: dit gildj ouch veur de gròppe bie d'n intoch.
- Wirk mit òm dit alles goud te laote verlaope en hauwd uch aan hun aanwiesing.
- Jeeder deilnummend kèndj òntvingk ein kènjer-medaaje die door de leede van Klup Wo-Van zal waere oetgedeild.

Optoch Kommittee Zitterd wunsj uch alleney vööl sjpas en lol in de Kènjeroptoch !

Mit vrunjtelikke kòmplemente,
Roy Moerskofski, optochsaamesjtèller
Optoch Kommittee Zitterd

** Deilname aan de Kènjeroptoch beteikent dat geer uch es deilnummer ònveurwaardelik kònfermeiert aan d' Reeglemènt Kènjeroptoch. Optoch Kommittee Zitterd behiltj zich d' rech veur òm eederein dae zich neit hiltj aan ein of meerdere veursjifte zoo wie baovesjaond bepaold en vasgelag, deilname aan de optoch te òntzèGGe!*
